

Thomas Diefenbach

Isch saahs mol so

Inhalt

<i>Vorwort</i>	7
Worms	9
Haus am Dom	10
Frieher	10
Markt	11
Somschdaas moins	12
Backfischfesd	13
Geschlossene Gesellschaft	15
Liebesgedicht einer Frau	16
Liebesgedicht eines Mannes	17
Die erste Liebe	17
Morgenstund	18
Zum Gedicht »Morgenstund«	19
Frühling	22
Sommer	22
Urlaub	23
Sport ist gesund	24
Zum Gedicht »Sport ist gesund«	25
Der kranke Mann	28
Wenn de alt werschd	30
Älder wern	30
Diät	31
Stille	33

Bleib wie de bischd	34
Dumm geloffe	35
Zu »Dumm geloffe«	37
Sinn des Lebens	37
Fähnsche im Wind	38
Ihr Leit	39
Weihnacht	40
Silvesterknaller	42
Silvester	43
Ä neies Johr	44
Neujahr	45
Fastnacht iss ä ernschdi Sach	45
Vorbei	47
Vermissen	48

Worms

Du schääni Stadt - hier in Rhoihesse
soviel Geschichte und Kultur
selbschd Kaiser hamm hier schunn geseesse
unn Luther stellte sisch einst stur
Hagen unn die Nibelunge
Siegfried unn soin Drachenstisch
wern immer widder gern besunge
Worms - moi Stadt - isch liebe disch
hier in Worms läässd's sisch's gut leewe
iss schänner als ess alde Rom
nemm Wormser duud soi Herzje beewe
sieht er vunn weitem schunn de Dom
enn Wormser stets enn Wormser bleibt
aach wenn er iss weit ford
Ihn's immer widder häämwärts treibt
onn diesen schääne Ort
ob Backfischfesched - ob Jäzz unn Joy
enn Wormser feiert gern
in de Stadt - odder om Rhoi
do bleibt kään Wormser fern
Moi Stadt - moi Worms - moin Dom - moin Rhoi
Hier leb isch - sterb isch - so solls soi!

Backfischfesd

Backfischfesd, ess Fesd der Feschde
Iss fa enn Wormser ess allerbeschde
Ma kennts umschreibe odder saache
In Worms die heggschde Feierdaache
Die Stadt iss g'schmickt, ma ruft »Ahoi«
Ma isst enn Backfisch, trinkt enn Woi
Geht uff de Umzuuch Guudsjer fonge
Odder ins Woizelt, meischdens longe
Enn Schobbe uff de Fischerwääd
Aach do werds meischdens immer spät
Feierwerk unn Fischersteche
Nooch neun Daach zahltschd du die Zeche
Ess Geld iss ford - de Kopp iss dick
Unn trotzdem empfindsch du dess als Glick
Denn isch bin Wormser dorsch unn dorsch
Enn Wormser Buu, enn Wormser Borsch
Isch lieb moi Stadt gonz innisch unn escht
Unn moi geliebtes Backfischfesd

Sport ist gesund

Wer hott eigentlich mol gsaad
Sport iss gesund - fahr mit emm Rad
Wehe, wonn isch denn verwisch
Der hott doch wohl enn Sunnestisch
Am eigne Körper musst isch erfahre
was alles basiert beim Fahrradfahre
Klar wersche fit, die Wade wern stroamm
ess Fett reduziert sisch, Groamm fa Groamm
De Körper bildet Muskelmasse
unn jeder sescht: heer ... Thomas ... klasse!
Jo, alles schää unn alles gut
solong ma nedd mol hieflich duud
Weil, wenn de hieflicheschd iss zu schbeed
denn ohne Knautschzone - dess iss bleed
Mit korze Hosse uff Rauasphalt
dess iss donn ... ja ... sehr unschön halt
Wersched operiert - gehschd donn onn Kricke
nedd bewesche unn nedd bicke
Physio, Hausarzt, Orthopäde
frischd Tablette wie enn Bleede
Fehrschd jetz Bus - anstatt mimm Rad
Sport iss gsund ... - Wer hott dess gsaad?

Bleib wie de bischd

Wie secht ma als vunn Zeit zu Zeit
Ess geht de Mensche wie de Leit
Freud unn Leid sinn nah benonner
Mol triffts de äh, mol triffts de onner
Doch gibts aach Leit, dess iss ä Pracht
Die hamm ess Glick fa sisch gepacht
Do denkschd du als, dess gibts doch nedd
Wenn isch na mol denn Dusel hett
So Leit, do schoint, dess iss enn Graus
die Sunn glatt aus emm Bobbes raus
solche, die angeblisch alles grieh
do guggschd am beschde zwäämol hie
donn werschd du seh: iss alles Schau
nur Fassade, alles lau
gugg uff disch unn nedd uff die
donn grieschd doin Alltag besser hie
bau kää Fassad, bleib oifach echt
doi Beliebtheit gibt dir recht!

Vorbei

Schluss - aus - ess iss febei
jeder kennt dess in soim Leebe
ob Job odder ä Liebelei
ess trifft disch wie ä starkes Beebe
mol wenischer, mol etwas mehr
Daach fa Daach und Jahr für Jahr
ess Leebe iss nedd immer fair
dess kann isch mit Gewissheit saah
doch positiv muss ma dess seh
denn jede Sach, die ma heit beende
duud weh unn iss bestimmt nedd schee
doch duud'se moie kää Kraft verschwende!